



閩／懷想／☆☆☆☆

## 麥片摻咖啡

檣頭舞到九點，枵饞甲想欲食寡物件止饑，揣著麥片才沖好爾，雄雄影著桌頂有便利包的咖啡，拆開就共摻落去。

我慣勢十點準時去睏，目睷未瞌(kheh)進前，攏會先看一點仔冊，通較好落眠，盍會知影時鐘靈十一下，猶金金咧掀彼本小說；姑不將就共房間禁予暗眠摸，想欲緊睏，通較早起來做代誌。

反(píng)來反去，被單弄起弄落，干干仔睏袂瞌睡(ka-tsuē)；有聽著二樓咧做守衛的阿義，翻點落班轉來摒盪、洗衫，這猶輕蠓蠓，無蓋大聲；毋過，phì-phè 叫的淺拖仔聲，顛倒聽甲明明明，遮行遐趕，嘛毋知影底時，伊才恬去。

雄雄目睷禡(thí)金，巷仔頭的路燈全款光焱焱，四箍輾轉靜甲有聽著阮某小可咧鼾(kōnn)，嘛有聽著遠遠杜猴咧哼，伸手捎亂鐘看，才三點爾，家己仔心肝內想，猶早咧，罔閣眯一下，這陣若毋摔(siang)大眠，是欲等當時咧！

自按呢夢天夢地，夢驚稀夢飯籬，欲醒毋醒的時陣，『噗...噗...』叫的機車，佇亭仔跤當咧起動，我知影是四樓的阿旺欲出門送報紙，應該是五點半無毋著；即時閣覷入去被內，想講閣軀(nuà)一睏，上班嘛猶會赴。

盤山過嶺到一個庄跤所在，入去一間八音、鑼鼓沖沖滾當咧做醮的大廟，前埕、後殿躡來躡去的時陣，無細膩煞共供桌頂的王梨挨落來塗跤，經(kenn)一下險蹺覆向(phih-phak-ànn)；才知影活欲吵死的是門外大路的車聲，翻身躡(lìng)起床，尻川後袂輸有鬼咧逐按呢，無 khà 食早頓，衫清彩幔咧，三伐做兩伐趟(tiò)到停車場，趕甲規粒心肝必嘆倘，拚性命從(tsông)到學校，拄好八點赴簽到。

閒時我有咧咻老人茶，往過嘛捌咻過咖啡，閣毋是一改、兩改爾，攏無礙著。這改煞暗頭仔食西瓜，半暝仔反症，是毋是人老矣，我嘛毋知。

作者：藍春瑞

### ☆詞彙學習☆

- |                         |                          |
|-------------------------|--------------------------|
| 【枵饞】iau-sâi：嘴饞、貪吃       | 【軀】nuà：賴在床上；倒臥翻滾         |
| 【瞌睡】ka-tsuē：睡著、熟睡       | 【經】kenn：糾纏絆住             |
| 【摒盪】piànn-tīng：清洗打掃     | 【蹺覆向】phih-phak-ànn：臉朝下跌倒 |
| 【摔大眠】siàng-tuā-bîn：睡大頭覺 | 【躡】lìng：跳起來              |
| 【驚稀】hāu-hia：杓子          | 【無 khà】bô-khà：顧不得        |
| 【飯籬】pāng-lē：用來撈出乾飯的工具   | 【伐】huah：腳步               |